



5. April 2024

2023-mut Ilassutissatut aningaasaliissutitut Inatsisissatut siunnersuut

(Aningaasaqarnermut Akileraartarnermullu Naalakkersuisoq)

Naleqqamiit Oqaaseqaat:

Siullermeernera

2024-mut ilassutissatut aningaasaliissutitut Inatsisissatut siunnersuutitut Naalakkersuisut sinnerlugit Aningaasaqarnermut Akileraartarnermullu Naalakkersuisoq saqqummiussineranut qujassutigeqarfigalugitigu Naleqqamiit imatut oqaaseqaateqassaagut.

2023-imut aningaasatigut ilassutissatut aningaasaliissutitut Inatsisissatut Siunnersuut saqqummiunneqartoq pisarnertut saqqummiunneqarpoq tamannalu pisariaqartitsineq naapertorlugu Naalakkersuisut ilassutitut aningaasaliisinissamik qinnuteqarneri ilutigalugit suliaasartut upernaavkkut ataatsimiinnermi Inatsisartunut ukiut tamaasa siunnersuutitut saqqummiunneqartarpoq.

Inatsisissatut siunnersuut 2024-mut Aningaasanut Inatsimmut tunngatillugu aningaasaliissutitut suliaasanut allannguutunik pisarnertut amerlasoorujussuarnik imaqarpoq kalaallissuaa 158-inik qupperneqarpoq qallunaatuualu 143-nik qupperneqarluni, tassalu Inatsimmi atuuttuni atuarneqarsinnaavoq Aningaasaqarnermut Akileraartarnermullu Ataatsimiititaliamit akuersissutigineqartut ukiumoortumik ilassutissatut aningaasaliissutissanut inatsimmi ataatsimoortinneqassallutik, taakkulu ukiumi inatsiseqarfiusumi qaangiuttumi upernaakkuani oqaluuserineqartussangorlugit saqqummiunneqassallutik.

Inatsisissatut siunnersuut pineqartoq qimerluualaraanni taamatullu Naalakkersuisut Aningaasanut Ilassutissatut inatsisissatut siunnersuummi saqqummiussaani pineqartoq ilaatigurt oqaasertalerneqartoq imaappoq:

”2023-mut Ilassutitut Aningaasaliissutitut inatsisissatut siunnersuut taamaalilluni kingumoortumik aningaasaliinertut isigineqassaaq”



Ilassutitut aningaasaliissutitut inatsississatut siunnersuut ukiut tamaasa uteqqiattumik ingerlanenqartarnera ilaatigut aallaaveqarpoq Inatsisartut aningaasanut inatsisaanni Naalakkersuisut oqaasertaliussat aallaavigalugit pisinnaatitsissummik aallaaveqartumik iliuserisaannik aallaaveqartarput, kisiannili aamma ajuusaarnaraluartumik ilassutissatut aningaasaliissutitut siunnersuut amerlasuunik imaqartarpoq Inatsisartut sukumiisumik eqqartuiffigisariaqarluinnagaanik ilami ilumoorinnaanngilaq aningaasarparujussuit qinikkat ilaannaminnguusa Aningaasaqarnermut Ataatsimiititaliami aaliangersartassagaat aningaasat qanoq atorneqassanersut taamaammallu sukumiinerusumik inatsisartuni eqqartuiffiginerusariaqarluinnaraat Naleqqamiit ataasiarata saqqummiuttuartarsimagaluarparput aammalu ilaatigut ilaannakusoortumik taperserneqartaraluarluta uggornaraluartumik tamakkiisumik timitalersorneqarani qaangianeqarniinnartarnera uggorisaaqarput.

Politikkikkut killiffik eqqarsaatigalugu ilassutissatut aningaasaliissutit imaannaanngitsumik killiffeqaaannaratik qinikkat tassalu demokrati naapertorlugu qinigaasut aallaavigalugit aaliangersartagassaat maanna uani suliami pineqartumi ataatsimiititaliamiluunniit millionerpassuarnik naleqartut suliareqqinnagit nalilersoqqinnagit toqqaanaq aappassaaniigassannguinarnereqarniartalererat pingajussaaniiginnarneqartalererat ataatsimiititaliani suliareqqaarnagit assorujussuaq Naleqqaminngaaniit eqqarsarnartoqartiinnarnagu ilungersunartorujussuurtut isigaarput aammalu demokratiimik ingerlatsiniarnermi killiffeqarnerput ilungersunartutut oqaatigisariaqartutut isigaarput peqqutigalugu Inatsisartut Aningaasaqarnermut Akilerartarnermullu ataatsimiititaliaata suleriaasia naapertorlugu § 8 imm. 2 ima allassimagaluarpoq:

”Inatsisartut aningaasanut inatsisissaattut siunnersuutip aammalu ilassutitut aningaasaliissutitut inatsisissatut siunnersuutip siullermeerlugit aappassaaneerlugillu sularineqarnerisa akornanni pisariaqarpallu aappassaaneerneqarnerisa pingajussaaneerneqarnerisalu akornanni ataatsimiititaliaq pinerit tamaasa isumaliutissiissusiortassaaq”.

Taamaammat Naleqqamiit nalornissutiginnilluinnarlugu suleriaasissatullu akuerissutigineqarsimasut malillugit suliat ingerlattartussaagatigit taamatut suleriaatsimi allaqqasoqarnera Naleqqamiit paasisinnaalluarlutigu Aningaasaqarnermut Akerlertarnermullu ataatsimiititaliami aappassaaneernisukumiisumik nalilersorluarlugu sularineqarnissaa Naleqqamiit



sakkortuumik kaammattuutigerusupparput isumaqaratta Inatsisartut Naalakkersuisut
ingerlatsineranut nakkutilliisuuginnaratik sukumiisumik suliat qularnaariffigalugillu immikkut
akisussaaffittut annertuutut inissimaffigigigaat ilassutitut aningaasaliissutit
appasinnerpaaffiminiitsinneqarnissaat aningaasamik inatsit aqqutigalugu aningaasaliissutit
piviusorasiorderusut atornissaat atuutinniarnissaat eqqarsaatigalugu.

Taamatut oqaaseqaateqarluta ilassutissatut aningaasaliissutinut Inatsisissatut siunnersuut
Aningaasaqarnermut Akileraartarnermullu ataatsimiititaliami nalilersorluarneqarluni
suliarineqarnissaa Naleqqamiit innersuussutigaaarput.